

S.^M D. N.
D. P A V L I
 DIVINA PROVIDENTIA
 P A P A E V.
 I N N O V A T I O

Constitutionum Pij 1111. Pij V. Gregorij 1111. & Clementis 1111.
 super prohibitionem extrahendi Frumenta, Blada, Legumina, Animalia,
 & alia id genus Annonæ, & Gratiæ extra Statum.
 Ecclesiasticum editarum.

A C R E V O C A T I O

Omnium licentiarum, & facultatum similia extrahendi quibusvis
 Communitatibus, Vniuersitatibus, & personis
 hactenus concessarum.



R O M Æ, Ex Typographia Camera Apostolicæ.

M D C V I.

PAVLVS PAPA V.

Ad perpetuam rei memoriam.



INTER grauissimas curas, quas pro nostro munere assidue sustinemus, illa postrema non est, in quam Nobis totis viribus incumbendum esse ducimus, ut nimirum Almam Urbem nostram, & vniuersam Ecclesiasticam Ditionem Annonæ caritate, iamdiu grauiterq. laborantem, quantum cum Domino poterimus, liberemus, utq. frumentorum, & aliarum rerum ad communem vitæ usum, & sustentationem pertinentium copia in ipsa Urbe, & Ecclesiastica ditione conseruari, Populosq. nobis subditos fertilitate, quæ eis à Domino conceditur, perfrui posse procuremus. Ad quæ præstanda tum præcipua nostra erga ipsos subditos nostros caritate inducimur, tum nonnullorum piæ mem. Romanorum Pontificum Prædecessorum nostrorum, qui in hanc ipsam curam diligenter incubuerunt, exemplo mouemur. Dudum siquidem prouide ac prudenter sel. rec. Pius Papa 1111. ad prædictis opportunè consulendum per suam editam Constitutionem sub Dat. Romæ apud Sanctum Marcum Idibus Augusti anno sexto. Quæ incipit, Inter multiplices curas, omnes, & quascumque licentias, & facultates extrahendi frumenta, blada, & legumina ex Prouincijs, Ciuitatibus, Terris, & locis S. R. E. mediatè, vel immediatè subiectis, præterquam ex causa verè onerosa, videlicet solutionis, & exbursementis pecuniarum eatenus quomodolibet quibusuis concessas reuocando, ne de cetero à dictis Prouincijs, Ciuitatibus, Terris, & locis frumenta, blada, & legumina aliqui, præterquam ex dicta causa extraherent, sub certis penis expressè prohibuit. Quam reuocationem, prohibitionem, necnon alia in dicta Constitutione contenta sanctæ mem. Pius Papa V. per aliam suam Constitutionem, quæ incipit, Romani Pontificis prouidentia circumspècta confirmauit, & innouauit, ac illam, & illa ad licentias & facultates quodcumque genus gratiæ, etià in carnibus, ouibus, agnis, & alijs animalibus, necnon oleo, ac rebus alijs quibuscumque consistentis extēdit, & ampliavit. Et deinde piæ mem. Gregorius Papa XI11. per quādam suas sub Dat. die decima octaua Decembris 1576. Pontificatus sui anno sexto, Omnibus, & singulis Communitatibus, Vniuersitatibus, ac quibuscumque personis in virtute sanctæ obedientiæ, & sub indignationis luter, ac excommunicationis latæ sententiæ penis inhiuit, ne quouis prætextu di-

rectè, vel indirectè cuiusvis generis frumenta, blada, legumina, atque animalia quæcumque extra statum Ecclesiasticum extrahere, & asportare auderent, seu præsumerent: Eos verò, qui contra inhibitionem huiusmodi commisissent, vltra prædictas. etiam amissionis frumentorum, bladorum, leguminum, & animalium prædictorum, necnon quinque scutorum pro qualibet salma frumenti, bladorum, & leguminum huiusmodi, & duorum scutorum pro quolibet capite animalis pœnas Fisco, & Cameræ Apostolicæ applicandas, ipso facto incurrere voluit, ac decrevit: Et deinde per alias eius in forma Brevis litteras sub Dat. die prima Maij 1578. eodem sui Pontificatus anno sexto. Quòd nulli sibi & Sanctæ Romanæ Ecclesiæ mediatè, vel immediatè subiecti cuiuscunque status, gradus, ordinis, & conditionis existerent, etiamsi Barones, Domicelli, Comites, Marchiones, vel Duces, & Domini temporales existerent sub excommunicationis maioris, ac læsæ Maiestatis criminis, Dominiorum, & bonorum suorum confiscationis, feudorum amissionis, & quorumvis priuilegiolorum suspensiois, & alius etiam pecuniarijs arbitrio suo imponendis, & applicandis, ac etiam in publicis edictis, & proclamatibus per Annonæ Præfectos pro tempore tam eatenus editis, & emissis, quàm in futurum edendis, & emittendis contentis censuris & pœnis, triticum, ordeum, legumina, ac omnis generis frumenta, & fruges à Terris, & locis dicti status Ecclesiastici absque expressa ipsius Gregorij Prædecessoris, & ab eo obtenta in scriptis, & eius manu signata licentia extrahere, vel extrahi facere, nulliq. ex prædictis eorum Subditos, & Vassallos, aut alias quascunque personas, quominus triticum, ordeum, legumina, frumenta, fruges prædicta à quibuscunque locis eis subiectis, quouis prætextu etiam Moliaturæ, aut cuiusvis alterius oneris solutionis, ad Almam Urbem afferent, prohibere, aut per se, vel alium, seu alios directè, vel indirectè impedire auderent, quin potius illi sic afferentibus omnem opem, & fauorem præstaret: Ac insuper nulli aliquam tritici, ordeï, & leguminum, omnisq. generis frumentorum, & frugum quantitatem, nisi pro suo, suarumq. familiarũ vnius anni dumtaxat vñu emere valerent. Et contrafacientes pœnas prædictas incurrisse declararentur, & aggravarentur, ipso facto statuit, atque decrevit. Non obstan. etiã priuilegijs, indultis, litteris, & gratijs Apostolicis quibuscunque personis, Ciuitatibus, Terris, & locis in genere, vel in specie, etiam ex causa onerosa concessis. Demum rec. mem. Clemens Papa viij. prædictas constitutiones, dempta ex illis excommunicationis pœna approbavit, & confirmavit, prout in eisdem cõstitutionibus, & literis respectiue; quarum omniũ, & singularum totos tenores cum omnibus, & singulis ibidem contentis, & dispositis pro expressis haberi volumus, plenius continetur. Cum autem, licet per prædictas, & alias desuper editas constitutiones, & prohibitiones factis præmissis prouisum esse videatur, nihilominus, quia, sicut accepimus, aliqui

qui propriæ salutis inmemores tot Constitutionibus, prohibitionibusq. ac
pœnis in illis appositis non obstantibus, frumenta, blada, legumina, animalia,
oleum, & alia id genus tam Annonæ, quàm grasciæ concernentia extra
statum nostrum Ecclesiasticum absque licentia extrahere non verentur;
alii verò prætextu diuersorum priuilegiolorum licentiarum, & facultatum
eis concessarum frumenta, aliaq. prædicta ita continuò extrahunt, ut
per continuas, & immoderatas extractions huiusmodi statum prædictum,
& illius loca exhauriant, & exhausta relinquunt, in maximum Populorum,
& Subditorum nostrorum damnum, & præiudicium, cumq. experientia
comptum sit, ad conseruandam tam in Alma Vrbe nostra, quàm in reliqua
Ecclesiastica Ditione Annonæ copiam maximè conducere, ut nimia
facilitas extrahendi ex dicta Vrbe, & ditione frumenta, blada, legumina,
oleum, & animalia reprimatur, ac memoratæ supradictorum nostrorū
Prædecessorum Constitutiones diligenter, & sine vlla exceptione obseruentur.
Nos pro paterna nostra erga nostros, & Apostolicæ Sedis Subditos caritate,
eorum vtilitati, & commodis in præmissis opportunè prospicere cupientes,
Motu proprio, & ex certa scientia, ac matura deliberatione nostris,
deq. Apostolicæ potestatis plenitudine, Omnes, & singulas Pij 111. Pij V.
& Gregorij 11. ac Clementis 111. Prædecessorum nostrorum Constitutiones,
& literas in quibuslibet earum partibus, etiam quoad excommunicationis,
& alias Ecclesiasticas censuras, quantum attinet ad frumentorum,
bladorum, leguminum, & olei extractionem tantum, & quoad certas
pœnas quasunque in eisdem constitutionibus, & literis contentas, non solum
in quantum ad præmissorum, sed etiam in quantum ad aliarum rerū
ad Annonam, & grasciam pertinentium extractionem attinet, auctoritate
Apostolica tenore præsentium perpetuò innouamus, confirmamus, & approbamus,
illasq. aduersus quasunque reuocationes, suspensiones, limitationes,
& moderationes in pristinum, & eum in quo antequam illæ emanarent,
erant statum, restituiamus, reponimus, & plenariè reintegramus, illasq.
& earum singulas ab omnibus, & singulis, quos concernunt, inuiolabiliter
de cætero obseruari debere sub temporalibus, & Ecclesiasticis pœnis, & censuris
prædictis in illis contentis præcipimus, statuimus, & ordinamus: Præterea
ad hunc effectum Motu, scientia, & potestatis plenitudine similibus
hac nostra perpetuò valitura constitutione omnia, & singula, ac quæcumq.
priuilegia, licentias, & facultates frumenta, blada, legumina, animalia,
oleum, & alia id genus tam Annonam, quàm grasciam concernentia, etiā
in proprijs eorum prædijs, possessionibus, agris, & terrenis pro tempore
recollecta ex quibuscumque status nostri Ecclesiastici temporalis Prouincijs,
ac Ciuitatibus, Terris, Castris, & locis, eorumq. territorijs, & districtibus
nobis, ditioniq. nostræ Ecclesiasticæ mediatè, vel immediatè quomodolibet

bet subiectis extrahendi quibuscumque Cōmunitatibus, Vniuersitatibus, & personis cuiuscumque dignitatis, status, gradus, ordinis, praeiudicij, vel conditionis existentibus, etiam ratione Legationum, Guberniorum, & aliorum officiorum, & munerum eis commissorum, & per quosuis Romanos Pontifices Praedecessores nostros, ac Nos, Sedemque & Cameram Apostolicam, & quosuis alios, & etiam nostra auctoritate, aut alias ex quauis causa etiam in recompensam laborum, damnorum, passorum, & ipsorum laborum, damnorum, vel meritorum intuitu, & alia etiam quantumuis rationabili, iuridica, & priuilegiata causa sub quibuscumque tenoribus, & formis, etiam in vim contractus, & cum quibuscumque clausulis, & decretis, etiam irritantibus, etiam quantumuis praegnantibus insolitis, & de necessitate exprimentis, etiam motu, scientia, & potestate similibus, aut alias quomodocumque, & qualitercumque (praeterquam duntaxat ex causa vere onerosa, videlicet congrua solutionis, & exbursementis pecuniarum, aut ratione appaltuum, & locationum, introitus, iuriumque & honorum Sedis, & Camerae praedictorum) hactenus concessa, approbata, confirmata, & innouata, illorum omnium, & singulorum tenores veros, plenarios, & integros, ac si de verbo ad verbum, nihil penitus omisso, inferrentur praesentibus pro sufficienter expressis, insertis, & registratis habentes, auctoritate, & tenore praedictis perpetuo reuocamus, cassamus, annullamus, ac viribus vacuamus, ac reuocata, annullata, cassata, inualida viribusque & effectum vacua esse, & fore, ac nemini ullatenus suffragari posse, aut debere, praesentes quoque literas etiam ex eo, quod interesse habentes, seu praetendentes ad hoc vocati, & auditi non fuerint, de subreptionis, vel obreptionis, aut nullitatis vitio, seu intentionis nostrae, vel alio quocumque defectu notari, impugnari, redargui, aut propterea reuocari, retractari, suspendi, huiusmodi, aut in ius, vel controuersiam vocari, aut aduersus illas quodcumque gratiae, vel iustitiae remedium impetrari nullatenus posse; Omnes praeterea & singulos similes facultates, & licentias extrahendi ex causa, ut praefertur onerosa sibi concessas esse allegantes, & praetendentes, antequam ipsi de cetero illo vnquam tempore illi iniet facultatibus, & licentiis uti possint, illas in Camera Apostolica, citato eiusdem Camerae Commissario generali verificari debere, nisi alias pro talibus verificatae, examinatae, & admissae fuerint, quia dicto casu ad nouam probationem, & verificationem teneri nolumus. Ac deinceps perpetuis futuris temporibus nullos quauiscumque licentiarum, & facultatum huiusmodi, nisi ex causa onerosa, ut praefertur, concessarum, vel concedendarum vigore, etiam si extractionem propria auctoritate faciendi illis permisum sit, extractiones frumentorum, & aliorum praedictorum extra statum nostrum praedictum aliquo pacto facere, nec etiam similes extrahendi licentias, & facultates in posterum concedi posse, aut debere, nisi Chirographo manu nostra, aut Romani

mani Pontificis pro tempore existentis, quoties extractio facienda erit, sub-
signato præcedente, alioquin licentias, & facultates huiusmodi, aliasq. chy-
rographo prædicto non præcedente pro tempore concedendas, & extractio-
nes faciendas nullas, nulliusq. roboris, & momenti fore, & esse, ac ipsos ex-
trahentes penas supradictas incidere, & ad illarum executionem contra il-
los irremissibiliter procedi posse, & debere; Sicq. per Sanctæ Romanæ Ec-
clesiæ Camerarium, Thesaurarium, Annonæ Præfectum, & quouis alios
Iudices ordinarios, & delegatos, etiam S. R. E. Cardinales, etiam de latere,
Legatos, sublata eis, & eorum cuilibet quavis aliter iudicandi, & interpre-
tandi facultate, & auctoritate iudicari, & diffiniri debere, ac irritum, & ina-
ne quicquid secus super his à quoquam quavis auctoritate sciēter, vel igno-
rante contigerit attentari decernimus, declaramus, statuimus, & ordina-
mus. Non obstantibus præmissis, ac quibuscumque constitutionibus, & ordi-
nationibus Apostolicis, necnon statutis, & consuetudinibus, etiam iuramē-
to, confirmatione Apostolica, vel quavis firmitate alia roboratis, concessio-
nibus quoque licentij, facultatibus, priuilegijs, & literis Apostolicis, Com-
munitatibus, Vniuersitatibus, & alijs etiam particularibus personis prædi-
ctis, etiam, vt præfertur, qualificatis, & quibuscumque alijs quomodolibet, etiam
innotis, scientia, & potestatis plenitudine similibus, ac etiam consistorialiter,
& de Venerabilium fratrum nostrorum Sanctæ Romanæ Eccl. Cardinaliū
consilio, & assensu, & sub quibuscumque tenoribus, & formis, ac cum qui-
buscunq. etiam derogatorijs derogatorijs, alijsq. efficacioribus, & insoli-
tis clausulis, ac irritantibus, & alijs decretis etiam inexcogitabilibus, & ne-
cessariò exprimendis, ac alijs quomodolibet in contrarium præmissorum,
concessis, confirmatis, & approbatis: Quibus omnibus, & singulis etiam si
in eis caueatur expressè, quòd sub quibuscumque similibus, vel dissimilibus gra-
tiarum reuocationibus, suspensionibus, limitationibus, aut alijs quibuscum-
que contrariis dispositionibus pro tempore edendis minimè comprehen-
dantur sed semper ab illis excepte, & quoties illę emanarent, toties in pristi-
num, et validissimum statum restitutę, repositę, & plenariè reintegratę, et
de nouo etiam sub posteriori data per eos quibus concessę fuerunt, eligen-
da de nouo concessę censeantur, et quòd illis nullatenus, aut non nisi certis
modo, et forma in illis expressis derogari possit, et aliter factę derogatio-
nes nullę sint, quodq. pro sufficienti illorum derogatione de illis, eorumq.
tenoribus specialis, specifica, ac de verbo ad verbum nihil penitus
omisso expressa, et indiuidua, non autem per clausulas generales idem im-
portantes mentio, seu quęuis alia expressio habenda, aut aliqua alia exquisi-
ta forma ad hoc seruanda foret, tenores huiusmodi, ac si de verbo ad ver-
bum nihil penitus omisso, ac forma in illis tradita plenè, et ad vnguem,
obseruata inseri forent, presentibus pro expressis habentes, ad effectum,
præmissorum

premissorum specialiter, et expressè derogamus, ac derogatum esse volumus, necnon omnibus illis, quæ supradicti Prædecessores nostri in eorum litteris voluerunt non ob stare, ceterisque contrariis quibuscunque. Ut autem præmissa ad omnium notitiam deducantur, & ne aliquis de eis ignorantia pretendere possit, volumus, quòd præsentis literæ per aliquem, seu aliquos ex Curforibus nostris ad Basilicæ Principis Apostolorum de Vrbe, & Cancellariæ Apostolicæ valuas, & in acie Campi Floræ affigantur, & publicentur, & cum inde amoueantur, earum exempla in eisdem locis affixa dimittantur, utque singuli Legati, Vicelegati, Gubernatores, & alij supradictorum locorum Officiales illas in eorum locis respectivè publicari faciant, quæ sic publicatæ, & affixæ, omnes & singulos, quos concernunt, perinde afficiant, & arceant, ac si unicuique illorum personaliter intimatæ, & notificatæ fuissent. Utque illarum trāssumptis, etiam impressis, manu Notarij publici subscrip-
tis, & sigillo alicuius personæ in dignitate Ecclesiastica constitutæ munitis eadem fides in iudicio, & extra ubique adhibeatur, quæ ipsismet præsentibus adhiberetur, si forent exhibitæ, vel ostensæ. Dat. Romæ apud Sanctum Petrum sub Annulo Piscatoris, die vigesimatercia Decembris Millesimo sexcentesimo quinto, Pontificatus Nostri Anno Primo.

M. Vestrius Barbianus.

Anno à Natiuitate Domini Nostri IESV CHRISTI Millesimo sexcentesimo quinto, Indictione tertia, die verò vigesima quarta Mensis Decembris, Pontificatus autem Sanctissimi in Christo Patris, & D. N. D. PAVLI Diuina prouidentia Papæ Quinti Anno eius primo, supradictæ Litteræ affixæ, & publicatæ fuerunt ad Valuas Basilicæ Principis Apostolorum, Cancellariæ Apostolicæ, & in Acie Campi Floræ per nos Christophorum Fundatum, & Io. Baptistam Menochium Apostolicos Cursores.

Bernabeus Politus Auximanus S. D. N. Papæ Mag. Curs.

